

დამტკიცებულია:  
პარტნიორის მიერ  
2015 წლის 29 სექტემბერს

შპს საქართველოს ეროვნული უნივერსიტეტი სეუ

წესდება

თბილისი 2015 წელი

საშპს  
საშპს  
თბილ  
ბ.რ.

## მუხლი 1. ზოგადი დებულებები

- 1.1. შპს საქართველოს ეროვნული უნივერსიტეტი სეუ წარმოადგენს «მეწარმეთა შესახებ» საქართველოს კანონის შესაბამისად შექმნილ იურიდიულ პირს.
- 1.2. შპს საქართველოს ეროვნული უნივერსიტეტი სეუ (შემდგომში -სეუ) ორგანიზაციულ-სამართლებრივი ფორმაა შეზღუდული პასუხისმგებლობის საზოგადოება;
- 1.3. სეუ თავის საქმიანობას ახორციელებს საქართველოს კონსტიტუციის, საერთაშორისო ხელშეკრულებების, უმაღლესი განათლების შესახებ საქართველოს კანონის, საქართველოში მოქმედი სხვა ნორმატიული აქტებისა და ამ წესდების შესაბამისად;
- 1.4. სეუ-ს აქვს დამოუკიდებელი საბანკო ანგარიში და ბეჭედი.
- 1.5. სეუ-ს იურიდიული მისამართია: საქართველო, თბილისი, საგარეჯოს რაიონში, ს.პატარძელის ქ.
- 1.6. სეუ-ს ელექტრონული ფოსტის მისამართია: info@seu.edu.ge

## მუხლი 2. სახელწოდება

- 2.1. სეუ-ს სახელწოდებაა: შპს საქართველოს ეროვნული უნივერსიტეტი სეუ.

## მუხლი 3. სეუ-ს მიზნები და საქმიანობის ფორმები

- 3.1. სეუ-ს საქმიანობის ძირითადი მიზანია შექმნას თანამედროვე ტიპის საერთაშორისო სტანდარტის უმაღლესი საგანმანათლებლო დაწესებულება;
- 3.2. უზრუნველყოს სასწავლო ბაზის შექმნა საერთაშორისო სტანდარტების შესაბამისი თანამედროვე უმაღლესი განათლების მისაღებად და კვალიფიკაციის ასამაღლებლად;
- 3.3. მოამზადოს საქართველოს განათლებისა და მეცნიერების სამინისტროს მიერ დადგენილი უმაღლესი განათლების კვალიფიკაციათა ჩარჩოს შესაბამისი უმაღლესი სტანდარტების მქონე სპეციალისტები.
- 3.4. სეუ-ს უფლება აქვს განახორციელოს ნებისმიერი საქმიანობა, რაც კანონით არ არის აკრძალული და რომელიც პირდაპირ ან არაპირდაპირ ემსახურება სეუ-ს მიზნებს და ინტერესებს;
- 3.5. სეუ ამწესდებით გათვალისწინებული მიზნების განსახორციელებლად:
  - ა) ქმნის უმაღლეს საგანმანათლებლო დაწესებულებას;
  - ბ) უზრუნველყოფს კვალიფიციური აკადემიური პერსონალით სასწავლო პროცესის მობილიზებას;
  - გ) ზრუნავს თავისი პერსონალის კვალიფიკაციის ამაღლებაზე;
  - დ) ზრუნავს შეზღუდული შესაძლებლობის მქონე სტუდენტთათვის სწავლის პირობების შესაქმნელად;
  - ე) ხელს უწყობს თანამედროვე ცოდნისა და მეთოდების გავრცელებას;
  - ვ) უზრუნველყოფს შრომის ბაზარზე ორიენტირებული, კონკურენტუნარიანი, კვალიფიციური კადრების მომზადებას.
  - ზ) თანამშრომლობს საქართველოს სხვა უმაღლეს საგანმანათლებლო დაწესებულებებთან და ორგანიზაციებთან;

სეუ-ს  
საგარეჯოს რაიონში  
ს.პატარძელის ქ.  
თბილისი  
საგარეჯოს რაიონში

თ) ახორციელებს საქართველოს კანონმდებლობით გათვალისწინებულ სხვა უფლებამოსილებებს;

#### **მუხლი 4. სეუ-ს დამფუძნებლის წილობრივი მონაცემები და უფლება მოვალეობები**

4.1. სეუ-ს დამფუძნებელი-პარტნიორია:

ა) გია კავთელიშვილი: დაბადებული: 02.05.1960.წ. პირადი ნომერი: 01012000597  
მისამართი: თბილისი, მე-3 ჯავახეთის ქუჩა, კორპუსი 5, ბინა 67.

4.2. სეუ-ს დამფუძნებელი-პარტნიორის წილი კაპიტალში განისაზღვრა შემდეგნაირად:

ა) გია კავთელიშვილი, მისი წილი საწესდებო კაპიტალში შეადგენს- 100%-ს.

4.3. სეუ-ს დამფუძნებელი უფლებამოსილია:

4.3.1. მიიღოს მონაწილეობა სეუ-ს მართვაში;

4.3.2. მიიღოს სეუ-ს წლიური ანგარიშის ასლი და სეუ-ს ყველა პუბლიკაცია;

4.3.3. შეამოწმოს წლიური ანგარიშის სისწორე და ამ მიზნით გაეცნოს სეუ-ს საბუღალტრო წიგნებს უშუალოდ ან დამოუკიდებელი ექსპერტის მეშვეობით.

4.3.4. პერიოდულად აკონტროლოს სეუ-ს ხელმძღვანელობა;

4.4. შეამოწმოს და გაეცნოს სეუ-ს საბუღალტრო წიგნებს და ჩანაწერებს;

4.4.5. მიიღოს სეუ-ს საქმიანობის შესახებ ნებისმიერი ინფორმაცია წერილობითი ან ზეპირი ფორმით;

4.5. სეუ-ს დამფუძნებელი მოვალეა:

4.5.1. დაიცვას წესდების დებულებები და საქართველოს კანონმდებლობა.

#### **მუხლი 5. სეუ-ს მართვა, მართვის ორგანოები**

5.1. სეუ-ს მართვის ორგანოებია:

5.1.1. დამფუძნებელ-პარტნიორთა კრება;

5.1.2. რექტორი;

#### **მუხლი 6. დამფუძნებელი და მისი უფლებამოვალეობა**

6.1. სეუ-ს მართვის უმაღლეს ორგანოს წარმოადგენს დამფუძნებელ-პარტნიორთა კრება, რომელიც წარმართავს სეუ-ს საქმიანობას.

6.2. სეუ-ს დამფუძნებელ-პარტნიორთა კრება იღებს გადაწყვეტილებას შემდეგ საკითხებზე:

6.2.1. სეუ-ს წესდების დამტკიცება, მასში ცვლილებების შეტანა;

6.2.2. სეუ-ს წარმომადგენლობაზე უფლებამოსილი პირის - რექტორის დანიშვნა და გათავისუფლება;

6.2.3. საქმიანობის პოლიტიკის ზოგადი პრინციპების განსაზღვრა;

6.2.4. საქმიანობის დაწყება და შეწყვეტა;

6.2.5. ფილიალების შექმნა და ლიკვიდაცია;

6.2.6. უძრავი ქონების შექმნა, გასხვისება და დატვირთვა;

იუსტიციის  
მინისტრის  
კაბინეტი  
... სალ...

- 6.2.7. სესხებისა და კრედიტების აღება;
- 6.2.8. პროკურის გაცემა და გაუქმება;
- 6.2.9. წლიური შედეგების დამტკიცება და შედეგების გამოყენება;
- 6.2.10. წლიური მოგების განაწილება.
- 6.2.11. წილთა შექმნა გასხვისება, ასევე, საწარმოთა შექმნა, გასხვისება და ლიკვიდაცია.

## მუხლი 7. ხელმძღვანელობა და წარმომადგენლობა

- 7.1. სეუ-ს ხელმძღვანელობს და წარმომადგენლობითი უფლებამოსილებით სარგებლობს რექტორი: გია კავთელიშვილი; დაბადებული: 02.05.1960.წ. პირადი ნომერი: 01012000597, მისამართი: თბილისი, მე-3 ჯავახეთის ქუჩა, კორპუსი 5, ბინა 67.
- 7.2. რექტორი მოქმედებს საქართველოს კანონების «უმაღლესი განათლებისა» და «მეწარმეთა შესახებ», დამფუძნებელ-პარტნიორთა კრების მიერ მიღებული გადაწყვეტილებების შესაბამისად. პასუხისმგებელია სასწავლო-აღმზრდელობითი, სამეცნიერო, კომერციული და სამეწარმეო საქმიანობის შედეგებზე;
- 7.3. წარმოადგენს სეუ-ს მესამე პირებთან ურთიერთობაში, რომლის დროსაც ის მოქმედებს ერთპიროვნულად მოქმედი კანონმდებლობისა და სეუ-ს წესდების საფუძველზე;
- 7.4. გამოსცემს სეუ-ს საგანმანათლებლო და სამეწარმეო საქმიანობასთან დაკავშირებით სამართლებრივ აქტებს, ბრძანებებს თავისი კომპეტენციის ფარგლებში;
- 7.5. გასცემს განსაზღვრული ფორმის უმაღლესი განათლების კვალიფიკაციის მინიჭების დამადასტურებელ დოკუმენტს – დიპლომს;
- 7.6. მოქმედი კანონმდებლობის თანახმად აფორმებს ხელშეკრულებებს სეუ-ს აკადემიურ პერსონალთან და სხვა თანამშრომლებთან, სტუდენტებთან;
- 7.7. დებს გარიგებებს, გასცემს მინდობილობებს, წყვეტს კანონმდებლობითა და წინამდებარე წესდებით გათვალისწინებულ სხვა საკითხებს;
- 7.8. განკარგავს სეუ-ს ფინანსებსა და ქონებას დამფუძნებელთან შეთანხმებით;
- 7.9. ამყარებს საერთაშორისო სასწავლო, სამეცნიერო და კომერციულ კავშირებს;
- 7.10. ბრძანებით ამტკიცებს სეუ-ს საგანმანათლებლო საქმიანობის მარეგულირებელ წესებს;
- 7.11. წარმართავს და ზედამხედველობს სეუ-ს მიმდინარე საგანმანათლებლო პროცესს;
- 7.12. ახორციელებს საქართველოს კანონმდებლობით მასზე მინიჭებულ სხვა უფლებამოსილებებს.

## მუხლი 8. აღრიცხვა, ანგარიშგება, კონტროლი

- 8.1. სეუ აწარმოებს საბუღალტრო აღრიცხვას და ანგარიშგებას საქართველოში მოქმედი კანონმდებლობის შესაბამისად.
- 8.2. სამეწარმეო წელი სეუში იწყება კალენდარული წლის 01 იანვარს და მთავრდება იმავე კალენდარული წლის 31 დეკემბერს.

მუხლი 9. სეუ-ს ლიკვიდაცია/რეორგანიზაცია

- 9.1. სეუ წყვეტს საქმიანობას რეორგანიზაციის (გარდაქმნა, შერწყმა, გაყოფა) ან ლიკვიდაციის გზით.
- 9.2 სეუ-ს რეორგანიზაციის ან ლიკვიდაციის შესახებ გადაწყვეტილებას იღებს დამფუძნებელი-პარტნიორი.
- 9.3. სეუ-ს ლიკვიდაცია/რეორგანიზაცია ხორციელდება «მეწარმეთა შესახებ» საქართველოს კანონით დადგენილი წესით.
- 9.4. სეუ-ს ლიკვიდაცია ითვლება დასრულებულად, ხოლო საქმიანობა შეწყვეტილად, სამეწარმეო რეესტრში სათანადო ჩანაწერის შეტანის შემდეგ.

მუხლი 10. სხვა დებულებები

- 10.1. წინამდებარე წესდება ძალაში შედის პარტნიორის მიერ ხელმოწერის მომენტიდან.
- 10.2. წესდება წარმოადგენს სეუ-ს მთავარ სამართლებრივ დოკუმენტს, თუ წესდების რომელიმე დებულებამ ძალა დაკარგა ეს არ ვრცელდება სხვა დებულებებზე;
- 10.3. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.

დამფუძნებელი-პარტნიორი:  
გია კავთელიშვილი

-----

რექტორი:  
გია კავთელიშვილი

-----

სტრუქტურა  
განგაშობა

წესი მომუშავედნის დასრულება მოსიაშვილი  
 5/6 5700101933 5  
 6. მოსიაშვილი

საქართველოს იუსტიციის სამინისტრო  
 საჯარო რეგისტრის ეროვნული სააგენტო  
 უბანში №489  
 თარიღი "20" თებერვალი 2015წ  
 გ. კავთელიშვილი (ხელი)  
 გ. კავთელიშვილი (სტამპი)

*(Handwritten signature)*